



**ՄՏԱԴՐՈՒԹՅՈՒՆՆԵՐԻ ՀՈՒՇԱԳԻՐ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐՈՒԹՅԱՆ ԳԻՏՈՒԹՅԱՆ ԿՈՄԻՏԵ
ԵՎ
ՎՐԱՍՏԱՆԻ ՇՈԹԱ ՌՈՒՄԹԱՎԵԼԻԻ ԱՆՎԱՆ ԳԻՏՈՒԹՅԱՆ ԱԶԳԱՅԻՆ
ՀԻՄՆԱԴՐԱՄԻ ՄԻՋԵՎ
ԳԻՏՈՒԹՅԱՆ ԵՎ ՏԵԽՆՈԼՈԳԻԱՆԵՐԻ ՈԼՈՐՏՆԵՐՈՒՄ
ՀԱՄԱԳՈՐԾԱԿՑՈՒԹՅԱՆ ՄԱՍԻՆ**

Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեն և Վրաստանի Շոթա Ռուսթավելիի անվան գիտության ազգային հիմնադրամը (այսուհետ՝ Կողմեր),

մտադիր լինելով խորացնել Հայաստանի Հանրապետության կառավարության և Վրաստանի կառավարության միջև 1997 թվականի մայիսի 3-ին ստորագրված «Կրթության և գիտության ոլորտներում համագործակցության մասին» համաձայնագրի շրջանակում ձևավորված հետազոտությունների և տեխնոլոգիաների ոլորտում համագործակցային կապերը,

նպատակ ունելալով խթանել երկկողմ համագործակցության ծրագրերի իրականացումը փոխադարձ հետաքրքրություններ կայացնող ոլորտներում,

ցանկանալով նպաստել Հայաստանի և Վրաստանի համատեղ նախաձեռնությունների հաջողությանը Եվրոպական միության «Հորիզոն Եվրոպա» հետազոտությունների և նորարարության ծրագրի շրջանակում և այլ միջազգային հարթակներում,

համաձայնեցին հետևյալի շուրջ.

Հոդված I

Նպատակ

Սույն Մտադրությունների հուշագրի շրջանակում Կողմերը կխթանեն երկու երկրների գիտական համայնքների միջև համագործակցային կապերի ամրապնդումը:

Սույն Մտադրությունների հուշագրի նպատակն է ձևավորել և ամրապնդել գիտնականների և գիտահետազոտական խմբերի միջև համագործակցությունը՝ ապահովելով ենթակառուցվածքների փոխադարձ օգտագործումը:

Կողմերը կխրախուսեն գիտական տվյալների և տեղեկատվության փոխանակումը, ինչպես նաև երկուստեք կաջակցեն հիմնարար և կիրառական հետազոտությունների իրականացմանը:

Կողմերը կխրախուսեն գիտական անձնակազմի փոխանակումը՝ առաջնահերթությունը տալով երիտասարդ գիտնականներին:

Հոդված II

Համագործակցության ձևեր

Սույն Մտադրությունների հուշագրի շրջանակում համագործակցությունը կարող է իրականացվել հետևյալ ձևերով.

- ա) համատեղ հետազոտական ծրագրեր,
- բ) հետազոտողների շարժունությանն ուղղված համատեղ ծրագրեր,
- գ) համատեղ գիտագործնական հանդիպումներ, սեմինարներ, գիտաժողովներ:

Կողմերի համաձայնությամբ կարող են ներառվել համագործակցության այլ ձևեր:

Կողմերը կհամակարգեն փոխադարձ հետաքրքրությունն ներկայացնող համատեղ հետազոտական նախաձեռնությունների համաֆինանսավորումը յուրաքանչյուր համագործակցության ձևի համար կիրառելի առանձին մոտեցմամբ՝ ելնելով համապատասխան ֆինանսավորման մեխանիզմներից:

Համագործակցության յուրաքանչյուր ձևի մանրամասները և Համագործակցության ծրագիրը կսահմանվեն Կողմերի կողմից: Կողմերը կվերանայեն Համագործակցության ծրագիրը առնվազն երկու տարին մեկ անգամ:

Կողմերը կմշակեն համատեղ առաջարկներ՝ «Հորիզոն Եվրոպա» հետազոտությունների և նորարարության ԵՄ նոր շրջանակային ծրագրին համատեղ մասնակցության համար:

Յոթերորդ Բաժնի Բնութագրի Գծադրում

Ֆինանսավորման առաջնություն

Սույն Մտադրությունների հուշագրի շրջանակում նախատեսվող համագործակցությունը կիրականացվի Կողմերի կողմից՝ յուրաքանչյուր Կողմի բյուջետային հնարավորությունների սահմաններում՝ առանց Հայաստանի Հանրապետության և Վրաստանի պետական բյուջեներից լրացուցիչ միջոցների ներգրավման անհրաժեշտության:

Կողմերից յուրաքանչյուրը կհոգա իր երկրի ներկայացուցիչների մասնակցության ծախսերը: Նախագծերի, գիտագործնական հանդիպումների և համագործակցային գործունեության այլ ձևերի թիվը կհաստատվի երկու տարին մեկ անգամ վերանայված Համագործակցության ծրագրով, որը պայմանավորված կլինի Կողմերի ֆինանսական հնարավորություններով:

Յոթերորդ Բաժնի Բնութագրի Գծադրում

Կանոնակարգի պահպանում

Մասնակցող գիտնականները կհարգեն ընդունող երկրի օրենքները և հյուրընկալող հաստատությունների կանոնակարգերը:

Յոթերորդ Բաժնի Բնութագրի Գծադրում

Մտավոր սեփականություն

Համագործակցության ընթացքում ձեռք բերված գիտական և գիտատեխնիկական տեղեկատվությունը Կողմերը հասանելի կդարձնեն համաշխարհային գիտական հանրությանը՝ տեղեկատվության տարածման ընդունված ուղիներով՝ երկու երկրների ազգային օրենսդրության համաձայն:

Սույն Մտադրությունների հուշագրի շրջանակում իրականացվող համագործակցային գործունեության ընթացքում ստացված կամ փոխանցված մտավոր սեփականության պաշտպանության կարգը կսահմանվի Համագործակցության ծրագրով, եթե Կողմերը այլ բան չեն նախատեսել գրավոր համաձայնությամբ:

Յոթերորդ Բաժնի Բնութագրի Գծադրում

Այլ դրույթներ

Սույն Մտադրությունների հուշագրով չնախատեսված վարչական ընթացակարգերը և համագործակցության իրականացման մանրամասները կսահմանվեն Համագործակցության ծրագրով կամ Կողմերի միջև նամակագրությամբ:

Սույն Մտադրությունների հուշագրի մեկնաբանման և դրա կիրառման ընթացքում ծագած տարաձայնությունները կլուծվեն բարեկամաբար՝ Կողմերի միջև ուղիղ բանակցությունների կամ խորհրդակցությունների միջոցով:

Սույն Մտադրությունների հուշագիրը կկիրառվի Հայաստանի Հանրապետության և Վրաստանի օրենսդրությանը, ինչպես նաև կիրառելի միջազգային իրավունքի նորմերին համապատասխան:

Հոդված VII

Ուժի մեջ մտնելը, փոփոխությունները, դադարեցումը

Սույն Մտադրությունների հուշագիրն ուժի մեջ է մտնում ստորագրման օրվանից և վավեր է չորս տարի ժամկետով: Կողմերից յուրաքանչյուրը կարող է մյուս Կողմին ծանուցել այն դադարեցնելու իր մտադրության մասին՝ սույն Մտադրությունների հուշագրի գործողության ժամկետի ավարտից առնվազն վեց ամիս առաջ: Այս պարագայում ընթացքի մեջ գտնվող ծրագրերը կհասցվեն իրենց ավարտին: Սույն Մտադրությունների հուշագրի գործողության ժամկետը ինքնաբերաբար կերկարաձգվի հետագա չորս տարիների համար, եթե առկա չէ Կողմերից մեկի՝ այն դադարեցնելու մասին ծանուցումը:


Սույն Մտադրությունների հուշագրի դրույթները կարող են փոփոխվել Կողմերի գրավոր համաձայնությամբ:

Սույն Մտադրությունների հուշագրի կիրառման ընթացքում ծագած տարաձայնությունները կլուծվեն բարեկամաբար՝ Կողմերի միջև ուղիղ բանակցությունների կամ խորհրդակցությունների միջոցով:

Կատարված է ք. Թբիլիսիում, 2022 թ. հոկտեմբերի 20-ին, երկու բնօրինակով, յուրաքանչյուրը հայերեն, վրացերեն և անգլերեն, ընդ որում՝ բոլոր տեքստերը հավասարազոր են: Սույն Մտադրությունների հուշագրի մեկնաբանման ժամանակ ծագած տարաձայնությունների դեպքում նախապատվությունը տրվում է անգլերեն տեքստին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅԱՆ ԳԻՏՈՒԹՅԱՆ
ԿՈՄԻՏԵԻ ԿՈՂՄԻՑ՝

ՍԱՐԳԻՍ ՀԱՅՈՑՅԱՆ
ՆԱԽԱԳԱՐ



ԿՐԱՍՏԱՆԻ ՇՈԹԱ ՌՈՒՄԹԱՎԵԼԻԻ
ԱՆՎԱՆ ԳԻՏՈՒԹՅԱՆ ԱԶԳԱՅԻՆ
ՀԻՄՆԱԴՐԱՄԻ ԿՈՂՄԻՑ՝

ԶԱԲԱ ՍԱՄՈՒՇԻԱ
ԳԼԽԱԿՈՐ ՏՆՕՐԵՆ

